

Nama : _____

Kelas: _____

Baca petikan di bawah dengan teliti. Berdasarkan petikan tersebut, tulis sebuah ringkasan tentang **faedah membaca**, dengan sekurang-kurangnya 80 patah perkataan. Anda digalakkan menggunakan ayat sendiri tanpa mengubah maksud petikan.

Membaca adalah satu amalan yang terpuji dan patut dijadikan amalan setiap orang. Banyak faedah yang akan diperolehi jika seseorang itu mengisi masa lapangnya dengan membaca. Bahan-bahan bacaan banyak terdapat di negara kita seperti akhbar, majalah, buku dan lain-lain lagi.

Bahan bacaan termuat pelbagai maklumat mengenai hal-hal yang wujud dan yang berlaku di seluruh dunia. Jadi dengan membacanya pengetahuan kita akan bertambah. Kita dapat mengetahui perihal satu-satu bangsa, istiadat, sejarah, kepercayaan, kebudayaan dan berbagai lagi. Dengan cara ini, persefahaman kita dengan kaum yang lain dapat dijalin dengan baik. Di samping menambah pengetahuan, kita juga dapat mengikuti perkembangan dan kejadian yang berlaku di dalam dan luar negeri. Melalui bacaan surat khabar dan majalah kita dapat mengetahui pergolakan yang berlaku di negara lain seperti peperangan, pemogokan, tunjuk perasaan dan lain-lain. Kita dapat membandingkannya dengan negara kita. Dengan itu kita menjadi insaf dan sedar bahawa kita semua sangat beruntung kerana negara kita sentiasa aman dan tidak bergolak.

Selain daripada itu, kita juga dapat mengetahui perkembangan dan kemajuan yang dicapai oleh negara-negara lain dalam bidang sains dan kita dapat mengetahui hasil ciptaan mereka, dan bagaimana mereka dapat menyelesaikan masalah ekonomi negara. Pengetahuan ini mungkin berguna kepada kita. Mana-mana yang sesuai untuk kemajuan dan kesejahteraan negara kita bolehlah kita contohi dan pelajari. Sesebuah negara yang rakyatnya banyak membaca akan bangkit menjadi negara yang cepat maju, kerana daripada pembacaan itu mereka sentiasa dapat ilmu-ilmu baru. Dengan ilmu itu dapatlah mereka membuat perubahan ke arah kemajuan dan kejayaan dalam apa jua bidang seperti pelajaran, pembangunan, ekonomi, sosial, kebudayaan dan berbagai lagi. Negara akan beruntung jika mempunyai rakyat yang berilmu pengetahuan lagi progresif.

Kesimpulannya, amalan membaca perlu dipupuk dalam diri anak-anak sejak kecil kerana melentur buluh biar dari rebung. Ibu bapa perlu menjadi suri teladan kepada anak-anak dan pihak sekolah perlu menggiatkan pelbagai program membaca untuk murid-murid. Jadikanlah membaca sebagai suatu amalan hidup.

Padankan isi berikut mengikut susunan perenggan.

Kita dapat mengetahui perkembangan dan kemajuan yang dicapai oleh negara-negara lain dalam bidang sains

Kita dapat mengikuti perkembangan dan kejadian yang berlaku di dalam dan luar negeri.

Masyarakat dapat mempelajari cara bagaimana sesebuah negara dapat menyelesaikan masalah ekonomi negara.

Banyak faedah yang akan diperolehi jika seseorang itu mengisi masa lapangnya dengan membaca

Amalan membaca dapat menambahkan pengetahuan .

Amalan membaca membolehkan negara maju dengan cepat.

Kita dapat mengetahui pergolakan yang berlaku di negara lain.

Isi 1

Isi 2

Isi 3

Isi 4

Isi 5

Lengkapkan ringkasan berikut.

kita dapat mengetahui perkembangan dan kemajuan yang dicapai oleh negara-negara lain dalam bidang sains.

faedah amalan membaca

kita dapat mengikuti perkembangan dan kejadian yang berlaku di dalam dan luar negeri.

amalan membaca dapat menambahkan pengetahuan .

masyarakat dapat mempelajari cara bagaimana sesebuah negara dapat menyelesaikan masalah ekonomi negara.

amalan membaca membolehkan negara maju dengan cepat.

masyarakat dapat mempelajari cara bagaimana sesebuah negara dapat menyelesaikan masalah ekonomi negara.

kita dapat mengetahui pergolakan yang berlaku di negara lain.

Salah satu _____ ialah _____.

Selain itu _____ . Seterusnya

_____. Di samping itu

_____. Tidak dinafikan

Juga _____.